



Inatsisartuni ilaasortaq, Martha Lund Olsen
Siumut

Innarluutilinnut suliaqarfimmut tunngatillugu § 37 naapertorlugu apeqqutip 2017-119-ip akineqarnera

16-03-2017
Suliap nr.
Allagaatip suussusia Nr
4680957

Qujanaq apeqqutinngorlugit nassiunneqarsimasunut.

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: ian@nanoq.gl
www.naalakkersuisut.gl

- 1. Inummut annertuumik innarluutilimmut, pensionisiami saniatigut aningaasarsiat pisortanik, (arbejdsvederlag) tiimimut 15 kr, inuit innarluuteqartut inatsit naapertorlugu ukiumut qassit pisartagaqarpat? Ukiumullu aningaasartuutit katillugit qanoq annertutigippat?**
§ 37 naapertorlugu apeqqummut nr. 2016- 199-imut akissut innersuussutigineqarpoq.
- 2. Inuit taamatut aningaasarsianik sulinerminik pissarsisartut (arbejdsvederlag) Naalakkersuisu-nit ilisimaneqarnerlutik qassit Innarluutilinnut sannavinni taamatut aningaasarsisar-nersut? Taamatuttaarlu qassit suliffeqarfinni sulisarnersut ilisimaneqarnerlutik? Innarluuteqartunut sannaviit / sammisassaqartitsiviit nuna tamakkerlugu qassiuppat?**
Kommuninit ilisimatitsissutigineqarpoq inuit annertuumik innarluutillit sulisinneqartut akissarsialerlugit sulisut ullumikkut katillugit 270-iusut. Inuit annertuumik innarluutilinnit 270-init taakkunanga 160-it innarluutillit sulliviini sulipput, inuit annertuumik innarluutillit 79-it suliffeqarfinni sulipput, inuit annertuumik innarluutillit 6-it namminneq najukkaminni sulipput kiisalu inuit annertuumik innarluutillit 25-t sumi sulinerat ilisimatitsissutigineqangilaq. Tamatuma saniatigut inuit annertuumik innarluutillit 4-t aningaasarsianik taperneqarlutik sulisinnaanerminnut akuerineqarsimapput taakkuali suliffigisinnaasaannik kommuni nassaarsinnaangilaq.
- 3. Innarluutilinnut sulliviit / susassaqartitsiviit nuna tamakkerlugu qassiuppat?**

Inunnut annertuumik innarluutilinnut inersimasunut sulliviit / susasaqartitsiviit nuna tamakkerlugu katillugit 16-iupput. Meeqqanut annertuumik innarluutilinnut sullivik/ susasaqartitsivik ataasiuvoq.

Ilisimatitsissutigineqarportaaq innarluutilit sulliviat / susasaqartitsivik ataaseq upernassamut atuutilissasoq naatsorsuutigineqartoq.

Inussiarnersumik inuulluaqqusillunga
Med venlig hilsen



Sara Olsvig